

## RICHARDS, DAVID ('Dafydd Ionawr'; 1751 - 1827), athro a bardd

**Enw:** David Richards  
**Ffugenw:** Dafydd Ionawr  
**Dyddiad geni:** 1751  
**Dyddiad marw:** 1827  
**Rhiant:** Anne Richards  
**Rhiant:** John Richards  
**Rhyw:** Gwryw  
**Galwedigaeth:** athro a bardd  
**Maes gweithgaredd:** Addysg; Barddoniaeth  
**Awdur:** David Gwenallt Jones

Ganwyd yn Glanymorfa, treftadaeth fechan yn ymyl Tywyn, Meirionnydd, 22 Ionawr 1751, yn fab i John ac Anne Richards. Pan oedd yn 16 (neu'n 14 yn ôl **NLW MS 2735F**) daeth **Evan Evans** ('Ieuan Brydydd Hir') yn gurad i Dywyn, ond ni all hyn fod yn wir, canys rhwng 1772 a 1777 yr oedd ef yn gurad yno. Cafodd 'Dafydd Ionawr' yn '**Ieuan Brydydd Hir**' athro barddol. Ar gais '**Ieuan Brydydd Hir**,' cydsyniodd ei dad a danfon ei fab i ysgol Ystradmeurig, at **Edward Richard**, ac yno y rhagorodd mewn mathemateg a'r clasuron. Daeth 'Dafydd Ionawr,' felly, dan ddylanwad dau o feirdd ac ysgolheigion mwyaf y 18fed ganrif. Cafodd swydd athro yn ysgol C. A. Tisdale yn Wrecsam, ac yn 1774 aeth i Goleg Iesu, Rhydychen, ond ni fu yno ond am un tymor. Aeth eilwaith yn athro at Tisdale, a oedd erbyn hyn yn brifathro ysgol ramadeg yng Nghroesoswallt. Yn 1779 cafodd le is-athro yn ysgol ramadeg Caerfyrddin; yn yr un flwyddyn gwrthodwyd urddau iddo gan esgob Llandaf; yn nechrau 1790 cafodd le athro yn 'ysgol rad Tywyn' (efallai hen ysgol rad Llanegryn). Symudodd i Ddolgellau, 1794. Ar farwolaeth ei dad daeth holl eiddo ei rieni iddo (1798), a throsglwyddodd ei hawl ar ei etifeddiaeth i'w gyfaill Thomas Jones, ar yr amod y câi dreulio gweddill ei oes gyda'r teulu. Bu'n athro ysgol ramadeg Dolgellau, 1800-7. Bu farw 12 Mai 1827, a chladdwyd ef yn Nolgellau.

Dyma restr o'i lyfrau: *Cywydd y Drindod*, 1793; *Hanes Bywyd Dafydd Ionawr*, 'broadside' ar fesur rhydd yn disgrifio ei daith i gasglu enwau tanysgrifwyr i'w gywydd, a'i fethiant; *Y Mil-Blynyddau*, 1799; *Gwaith Prydyddawl Dafydd Ionawr*, 1803; *Joseph, Llywodraethwyr Aipht*, 1809; *Barddoniaeth Gristianogawl*, 1815; *Cywydd y Diluw, yn dair Rhan*, 1821; *Cywydd y Drindod*, 1834; *Gwaith Dafydd Ionawr. Dan Olygiad y Parch. Morris Williams, M.A., Amlwch*, 1851.

### Awdur

**David Gwenallt Jones**, (1899 - 1968)

### Ffynonellau

Yn argraffiad 'Nicander' o'i waith ceir 'Hanes Bywyd Dafydd Ionawr' gan R. O. Rees a thraethawd gan Ieuan Gwynedd ar 'Athrylith a Gweithiau Dafydd Ionawr'

Archifau LIGC: **NLW MS 265E: Papurau amrywiol**

*Oxford Dictionary of National Biography* (gan J. E. Lloyd)

*Hanes llenyddiaeth Gymreig o 1651 O.C. hyd 1850* (1893), 481-8

### Darllen Pellach

Erthygl Wicipedia: **David Richards**

### Gweithiau

Edward Richard, David Richards, *The poetical works of the late Mr. Edward Richard, schoolmaster in Cardiganshire; with an account of his life / Yr eos: sef, gwaith prydyddawl Mr. Edward Richard o Ystrad-meurig yn Sir Aberteifi* (Llundain 1811)

### Dolenni Ychwanegol

VIAF: 22017475

Wikidata: Q5239033

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/>

PDF Argraffu Cyfeirnod

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n tudalen codi arian am ragor o wybodaeth.

frannu

Arddull APA

x

Jones, D. G., (1953). RICHARDS, DAVID ('Dafydd Ionawr'; 1751 - 1827), athro a bardd. *Y Bywgraffiadur Cymreig*. Adferwyd 19 Tac 2024, o <https://bywgraffiadur.cymru/article/c-RICH-DAV-1751>

Y Bywgraffiadur

Preifatrwydd a Chwcis  
Hawlfraint  
Y Prosiect  
Cymorth  
Cysylltu

LGC  
NLW

LLYFRGELL  
THE NATION



Nodiwr gan  
Llywodraeth Cymru  
Sponsored by  
Welsh Government